



Rabu, 14 Desember 2020

Ogen: Lukas 2:14



KEHADIREN DIBATA IBAS MANUSIA



Natal eme perjumpaan (keramahtamahan) Dibata man
manusia, ija anak DIBata reh ku doni seri ras manusia.
Luar biasa Lukas ncidahkan arah ketubuhen Jesus, i
doni enda, ibas sada rumah singalo-ngalo Jesus alu carana.
Ibas dampar sideban, ende-enden pujin si isehken malekat-
malkeat nuriken maka Dibata tetap denga alu caraNa
nelamatkan manusia ibas doni si enggo mulai desken tanah
kerah si man siramen guna mpeturah kegeluhen sidame ras
tenang.

Keramahan epe teridah arah kerehen permakan i mbal-mbal
nari guna jumpa ras anak si tubuh e, reh nambah janah
kerehen guru-guru i Timur nari simaba luah emas, kumenen
ras mur. Tangkas teridah kerehen (kehadiren) kalak asing
(permakan ras guru Timur) ncidahkan sada pertemanen,
keakrapen si luar biasa ibas waktu kerehen anak Dibata ku
doni enda. Lanai lit rasa curiga, mbuka batas batas si megati
ibahan manusia ibas pertemanen.

Bageme ketubuhen Jesus, ibas erti kerehen Dibata ku doni
enda, la saja pertemanen, persahabaten antara sapih manusia,
permakan si la meherga, musil bagepe guru Timur si pentar,
erpemeteh tapi pe antara Dibata ras manusia enggo jadi
teman, erdame erkiteken reh Dibata jadi Juru selamat man
manusia si lit ibas doni enda.

Bageme arusna erti ras makna natal, ketubuhen Jesus ku doni
enda. Manusia enggo erdame ras Dibata, manusia lanai
nimbak ras erbahan pusuh Dibata ceda alu jera ras nggit
nggeluh ibas pedah Dibata. Bagepe geluh sapih-sapih manusia
i doni enda, lanai erpengakap sada lebih ulin, pentaren,
hebaten asangkan sidebanna. Tapi enggo ngasup 'bersahabat'
ras kalak sideban alu nggeluh mehuli, erdame dengen ermeriah
ate ras kerina singgeluh i doni enda.